

Sarajevo, 02.10.2023.godine

Klub SDP-a u Skupštini Kantona Sarajevo
Predsjednik kluba zastupnika Davor Čičić

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Ministarstvo unutrašnjih poslova KS
n/r Ministarstvo saobraćaja KS
n/r Općina Ilidža

U skladu sa članom 106. i 213. Poslovnika Skupštine Kantona Sarajevo, dostavljam:

ZASTUPNIČKA INICIJATIVA

Prema **Vladi Kantona Sarajevo** i **Ministarstvu unutrašnjih poslova, Ministarstvu saobraćaja i Općini Ilidža**

Za urgentno postavljanje usporivača brzine na više lokacija u ulici Nikole Šopa, općina Ilidža, prije svega na prostoru kod Osnovne škole KŠC „Sv.Josip“ kao i postavljanje zvučne i svjetlosne signalizacije upozorenja na lokaciji navedene škole.

OBRAZLOŽENJE

Svjedoci smo teške saobraćajne nesreće u kojoj je teške tjelesne povrede zadobio učenik Osnovne škole KŠC „Sv. Josip“ na Stupu u ulici Nikole Šopa, naselje Stup, općina Ilidža kada ga je udarilo teško teretno vozilo. Ulica Nikole Šopa je jedna od najprometnijih ulica u ovom dijelu naselja Stup u općini Ilidža gdje se nalaze i mnogi privredni subjekti koji za obavljanje svojih djelatnosti koriste pored osobnih automobila i teška motorna i teretna vozila. Na navedenoj ulici se nalazi i osnovna škola koju pohađa veliki broj učenika koji su svaki dan izloženi velikoj opasnosti od saobraćajnih nezgoda. Pored toga na navedenom lokalitetu je izgrađeno i nekoliko novih stambenih objekata gdje živi veliki broj obitelji koji su isto tako svakodnevno ugroženi i u opasnosti kao sudionici u saobraćaju.

Zbog toga šaljem ovu zastupničku inicijativu da se što urgentnije u ovu ulicu posebno na navedenom lokalitetu oko OŠ KŠC „Sv.Josip“ postave usporivači brzine i zvučna i svjetlosna signalizacija upozorenja na školu i pješake, kako bi doprinijeli sigurnosti djece i ostalih pješaka na navedenom lokalitetu veoma gustog prometa.

S poštovanjem,

Davor Čičić
Predsjednik kluba zastupnika SDP BiH
u Skupštini Kantona Sarajevo